




Ratio ineundae Concordae. : Das ist Mittel vnd Wege, Wie zwischen den Reformierten vnd vom Bapstumb abgetrettenen Euangelischen Kirchen, eine gewisse, beständige Eynigkeit vnd Friede anzurichten seie. Auch Wie man den listigen Practicken der Papisten, damit sie durch etliche vnweise Theologen alle Euangelische kirchen, Sonderlich aber die in Teutschland, zu vndertruckten gesinnet, eygentlich begegnen möge.

<https://hdl.handle.net/1874/454302>



**Dit boek hoort bij de Collectie Van Buchell
Huybert van Buchell (1513-1599)**

Meer informatie over de collectie is beschikbaar op:

<http://repertorium.library.uu.nl/node/2732>

Wegens onderzoek aan deze collectie is bij deze boeken ook de volledige buitenkant gescand. De hierna volgende scans zijn in volgorde waarop ze getoond worden:

- de rug van het boek
 - de kopsnede
 - de frontsnede
 - de staartsnede
 - het achterplat

**This book is part of the Van Buchell Collection
Huybert van Buchell (1513-1599)**


More information on this collection is available at:

<http://repertorium.library.uu.nl/node/2732>

Due to research concerning this collection the outside of these books has been scanned in full. The following scans are, in order of appearance:

- the spine
- the head edge
- the fore edge
- the bottom edge
- the back board

E. qu.
222




23


Handwritten text, possibly a title or author name, which is mostly illegible due to fading and wear. It appears to be written in a cursive or semi-cursive script.

Small handwritten marks or characters, possibly initials or a signature, located on the left side of the page.





E. qu.
222



N. 4. c

n. 23. d.

see 3
RATIO IN EVND AE
Concordiæ.

Das ist

Mittel vnd Wege / Wie
zwischen den Reformierten vnd vom
Papstumb abgetretenen Euangelischen Kir-
chen / eine gewisse / beständige Eynig-
keit vnd Friede anzurich-
ten seie.

Auch

Wie man den listigen Practicken der
Papisten / damit sie durch etliche vnweise Theologen
alle Euangelische kirchen / Sonderlich aber die in
Teutschland / zu vndertruckten gesinnet / ey-
gentlich begegnen möge.

Allen denen

So Frieden vnd Eynigkeit von hertzen begerent
nützlich vnd notwendig zulesen.

Ex Donatione H. à Büchel.

M. D. LXXIX.



R A T I O N E V N D E M

Concordia

1511

Wort und Rede

von dem Reformierten und dem

alten Römischen Bekenntnis

in der Stadt Zürich

am 1. August 1529

1529

Die man den heiligen Schriften der

Heiligen Schrift die durch alle Jahrhunderte

in der Welt die heilige Schrift

geschrieben worden

1529

in der Stadt Zürich

am 1. August 1529

1529

Dem Christlichen Leser vil
glück vnd heyl.

Der Meister oder Schreiber
dieses Büchlin^s Christlicher Leser/Be-
klagt vnd beweyn^t erstlich den grossen
schädlichen vnfall der Christlichen Kir-
chen vñ gemeyn/ In welchem sie leyder diser zeit steckt/
vnd erweist klärlich/ daß solche zerrüttungē nieregend
anderstwoher ihren Ursprung vnd safft haben/ denn
auß dem vnnötigen gezänck vieler vnrühiger Theo-
logen/ welche sich der Euangelischen reynen leh^r rüh-
men.

Zum andern/bittet vnd vermanet er vffs aller vn-
terthenigst vnd fleissigst alle Christliche Potentaten/
Könige/ Fürsten vnd Stände/ daß sie die streitigen
sachen zur rechtmessigen vnparteyischer erkantnuß
vnd verhö^r kommen lassen wöllen. Damit die ihenige
puncten/welche vnserer seelen heyl vnd seeligkeit mit be-
rühren/ vnd sonst ohn not sein/ von den notwendigsten
vnd allein die Seeligkeit betreffenden Artickeln vnder-
schieden werden möchten.

Zum dritten/ schlegt er etliche leichte/ dienliche vnd
zu jeder zeit gebreuchliche mittel vor/ durch welche die

gegenwertige Spaltungen hingelegt/ vnd ein Christliche Eynigkeit getroffen werden möchte.

Zum Vierden/ gibt er augenscheinlich zuuernemen/ daß bisanhero etliche vnruhige Theologen mit ihrem giftigen/ nachthenigen lestern/ schenden vnd schmähren/ auch mit falschen vfflagen vnd verschreiwngen/ auß lauter Stoltz/ Hoffart/ Ehrgeitz/ Bitterkeit/ vnd dergleichen bösen affecten/ die Christlichen gemeynden verunruhigt/ vnd den lauff der rechten waren Religion verhindert haben. Nun mehr auch etliche mit allem fleiß vnd vermögen dohin arbeyten/ daß sie die Euangelische Potentaten vnd Fürsten an eynander heßen/ vnd die wolbefridigte Kirchen/ vnderm schein der Concordien verwirren/ vff daß/ wenn sie durch vneynigkeit vnd gezänck von eynander gerissen vnd getrennet sein/ desto leichter von den Feinden des Euangelij vndertruckt vnd außgerottet werden können.

Dieweil aber diese gar böse anschlege vnd handlungen/ mit so wunderbarlichen listen vnd Practicken angestellt vnd fortgeschoben werden/ gelanget dises Schreibers vnterthenigs hefftiges bitten vnd flehen/ an alle Euangelische Könige/ Fürsten/ vnd Ständel/ wollen sie anders den gemeynen nutz in Fried vnd ruhe sehen/ die Freiheit des Euangelij erhalten/ vnd sich von der verfluchten dienstbarkeit des leyndigen Papstums

stumbs ledig machen vnd verhüten/ auch vor Gott ein
 gut gewissen haben/ daß sie der sachen fleißig warne
 men/ vnd das vnglück/ so ihnen ganz nahe ist/ vnd ge
 wißlich ober ihren halß kommen wird/ wo sie nit ei
 lends dasselbig vorkommen/ bei zeiten abzuwenden/
 ernstlich bedacht seien.

Der Allmächtige gütige Gott wölle sie gnediglich
 erleuchten/ vnd ihre hertzen dohin erwecken/ daß sie den
 betrug vnd list ihrer Feinden recht erlernen/ vnd fol
 gends mit allem fleiß vnd trew dem ihenigen nachse
 hen/ das zur ehvnd glori vnsers Herrn Christi/ vnd
 auch zu wolffart/ Fried vnd Eynigkeit des gemeyn
 en Nutzen/ notwendig/ förderlich vnd
 dienstlich ist/ Amen.

4
Mittel vnd Wege / wie
zwischen den Reformierten vnd vom
Bapstumb abgetretenen Euangelischen Kirchen ei-
ne gewisse / vnd beständige Eynigkeit vnd Fried anzurichten
sei / Christlicher trewhertziger wolmeynung ge-
stelt / durch den Edlen vnd Ehrnuessen /
C. Q. D. A.



Jerweil von allen rechtschaffenen Chri-
sten insonderheit erfordert wird / das sie allen
ihren verstand vnd vermögen dahin richten
vnd anwenden / damit der Christliche Glaub/
mit welchem Christus allein geehret wird /
vnd das wort Gottes gefordert : Hergegen
aber alles was demselbigen an seinem lauff hinderlich ist / abge-
schafft werde. So wil ich die mittel vnd wege dadurch die spal-
tunge / so die Euangelische vnd vom Bapstumb abgewichene
Kirchen vnd Gemeinden dieser zeit hefftig betrüben / durch vie-
le hochuerständige gottselige Menner / leichtlich meines erach-
tens / vffgehoben werden möchten / kürzlich begreifen vnd erze-
len / der guten hoffnung vnd zuuersicht / wo dieses mein wolge-
meyntes bedencken / nichts helffen wolt / so werden aber doch an-
dere leut höhers verstands dadurch erweckt / etwa bessere mittel
vorschlagen / damit durch die gnade Gottes / vnd ihren heyls-
men rath die Protestirende Könige / Fürsten vnd Stände / sich
bewegen lassen ihre Euangelische / aber doch hefftig betrübte vnd
verwirrete Kirchen einmal widerumb in den vilgewunschten
angenehen Frieden vnd wolstand zusehen.

Dann wer kan den grossen schaden gnugsam aussprechen /
so

so durch das vnruhige gezecke/ der ganzen Christenheit ist ent-
 standen: Wieviel tausent gottseliger vnschuldiger leut seind das
 durch in pein vnd marter gerathen/ vnd jemmerlich hingericht:
 Wieviel Stätte seind dadurch in verderbliche noth kommen:
 Viel herrlicher Landschafftē beraubt/ geplündert/ vnd in grund
 verheret: Wer ist doch so vnbarmsertzig vnd verstockt/ der von
 dem grausamen jammer ohn weynen vnd herrliches mitleiden
 nur allein hören kan: vnd ist dannoch/ so man gegenwertigen
 Standt der Christenheit inwendig ansehen vnd betrachten wil/
 alles noch kinderspil gewesen/ gegen dem künfftigen jammer/ so
 fern demselbigen durch notwendige mittel nit vorzukommē wird.

Dann es ist kein zweiffel/ das die Papisten ihren heymlich-
 chen rath vnd meuterei darüber halten/ ihr gelt vnd gut zusam-
 men tragen/ auch weder kosten noch arbeit sparen/ domit sie die
 Protestirende in vorstehender gelegenheit/ darauff sie nun lange
 zeit mit grosser begierde gewartet vnd gelauffert haben/ von ein-
 ander trennen/ vnd endlich in grund verderben möchten.

Dieweil nun etliche den rath geben/ das man ein gemeine
 Bundnuß vffrichten solle/ vnd vff mittel bedacht sein/ wie die
 Protestirende im fall der not ihren Feinden starck gnug sein/ vnd
 im feld begegnen mögen. Bitte ich vmb verzeihung/ wenn ich
 sagen muß/ das dieser rath nit eben strack zutreff/ darzu alle mü-
 he vnd arbeit/ so darauff angewendet werden möchte/ vergeblich
 vnd verloren sei/ Es sei denn zuuor vnter den Protestirenden ein
 Religions Fried vffgericht vnd bestettiget/ Sientemal durch vile
 Exempel gnugsam beweislich ist / das die Bündtnussen offte
 mehr schaden denn nutzen bracht haben. So seind sie ohne das
 vnter verständigen Fürsten nicht sonderlich notwendig/ als die
 von ihnen selber wissen/ was ihnen beyde des gemeynen/ vnd ihr-
 rer selbst eygnen nutzen wegen zuthun ist. Dañ welcher nit durch
 die liebe zum gemeinen nutzen auch eigne sorg vnd fleiß sich vnd
 das seine zubeschützen zu dem getriben wird / das man durch
 Bündts

Bundnuß bei ihm suchet / der wird auch in denselbigen wenig
trew noch glauben halten.

Darumb sollen alle fromme herren zu forderst mit allem
ernst ohn vnterlaß Gott bitten / daß er den Protestierenden Kö-
nigen vnd Fürsten ihre herren erleuchten / vnd mit seinem H.
Geist regieren wölle / daß sie endlich einmal mit rechtem ernst
die mittel herfur sucheten / durch welche nach abschaffung aller
zu zank vnd zwitteracht erreglichen vsachen / entweder ein ge-
wisse / vnd beständige / oder ja leidliche Concordia vnd Eynig-
keit vnter ihnen selbst angerichtet werde. Dann so die gemüter
in den streitigen Partheien begütiget / vnd durch rechtschaffene
billiche mittel der Friede getroffen / ist alsdann gute hoffnung /
die Euangelischen Fürsten vnd Stände / werden willig vnd be-
reyt / wie das die Christliche lieb vnd billigkeit erfordert / auch
ohne Bundnuß eynander selbst zuspringen vnd beistehen / do de-
ren einem gewalt oder vnbilligkeit zugefügt würde.

So ist nun der Streit vnder den Euangelischen vornem-
lich in disen dreien Puncten / als nemlich :

Vom H. Nachtmal des Herren.

Von der Wahl vnd ewigen Vorsehung Gottes / vnd
Von der Person vnseres Herren Jesu Christi.

I.

Vom H. Nachtmal.

Wo fürneme Partheien der Theologen seind mit
eynander zwitterrechtig. Eyne / so man gewöhnlich nenne die
Lutherischen. Die andere aber Caluinische.

Die Lutherische beschuldigen diese des Zwinglischen / vnd /
wie sie meinen / von Zwinglio herzürenden irthumbs. Nem-
lich / als solten sie leugnen / daß die Glaubige im H. Nachtmal
warhafft

warhafftig essen den waren Leib vnser Herrn Christi / vnd sein
wares Blut trincken: So antworten diese/es werde ihnen solz
ches vngütlich mit vnwarheit zugemessen.

Die Caluinische sagen hinwiderumb / die Lutherischen
seien Cyclopes vnd Capernaiten / als die da bestreiten / der Leib
Christi sei im Brod verborgen / werd mit dem mund geessen / vñ
(wie etliche dauon reden) mit den Leffzen berühret / mit den Zä-
nen zermalet / vnd in den Leib hinab genommen: So klagen die
Lutheraner / man deute ihnen ihre wort zum vnbesten / vnd viel
anders denn sie dauon lehren vnd halten. Daher kommen zwis-
schen etlichen Theologis die giftige Scheltwort / schmach / vn-
billigkeit / verkleynerung / lesterung / Schrifft vnd wider schrifft-
ten / Auch viel newe vnerhörte reden / ihre giftige lesterung dar-
mit zuscherpffen.

Diese ding aber / dieweil sie offenbar am tag seind / wen
wil es wunder nennen / das die Papisten in ihrer Religion / so von
etlich hundert Jahren her / von ihren Vorfahren vff sie gelangt /
also steiff vnd vest halten / vnd vff die mittel gedennen / wie nach
vndertruckung ihrer Widersacher / ihre Religion allein den platz
behalten vnd gelten möge.

O ihr Könige vnd Fürsten / die ihr euch des H. Euange-
lij so hoch rhümet / vnd aber diese schedliche zwitrachten so ge-
ring achtet vnd duldet / meynt ihr auch wol / das nit ein mal die
zeit kommen werde / zu welcher Gott der gerechte Richter das
vnschuldige Christenblut / so durch ewer schuld vnd hinlässig-
keit vergossen wird / von euch vnd den ewren erfordern vnd heys-
schen / vnd die augenscheinliche verachtung seines Göttlichen
worts grausamlich rechnen werde?

Nun wolan / Wir wollen sehen / mit was mittel der sachen
zuhelffen / vnd gemeine wolffahrt erbawt werden möge. Ehe den
wir aber zum handel kommen / ist zumercken / das zwischen bey-
den Partheien / so vil die ware heylsame Niessunge des Leibs vnd

8
 Bluts Christi im H. Nachtmal belangt kein streit ist/ sonder als
 lein darian / als nemlich / wie der Leib vnd Blut Christi gegen/
 wertig/ vnd auff welche weise wir derselbigen im H. Nachtmal
 theylhafftig werden/ welcher Span nach vieler leuth meynung
 also geschlichtet werden kan/wie folget:

Erstlich/ so mit allgemeyner der Euangelischen teutschen
 Fürsten bewilligung vnnnd eynhelligkeit ein gemeyne versam-
 lung oder General Synodus (Wie denn etliche teutsche Für-
 sten/ vnd vil hochgelehrter Theologen offtmals andern Fürsten
 dieses Mittel/ als hochnotwendig fürgeschlagen / vnd darumb
 bei denselbigen hefftig angesucht haben) angestellt vnd gehalten
 wurde / welcher versammlung sie selbst vorständen / oder an ihre
 statt andere Politische vnd verständige Leuth ordneten/welchen
 der sachen wichtigkeit bekant vnd angelegen/ die auch mit ihrer
 gegenwertigkeit / ansehen / vnd gewalt / die frommen vnd sit-
 tigen Theologen schützen vnd handhaben / Die Ehrgeizigen
 aber zänckischen vnd stolzen im zaum halten können. Dann so
 man diese Spaltungen allein den Theologen zuerwegen vnd
 zueröztern heimstellen wolt / so ist der haß vnd neyd dermassen
 bei ihnen eingewurzelt/ vnd veraltet/ daß sie die hendel viel mehr
 verwirren vnd verstoren/ dann mit Gottes furcht vnd Christli-
 cher bescheidenheit vereynigen vnd richtig machen wurden.

Die Königl. W. in Engelland / hat den Teutschen Pro-
 testierenden Fürsten gütlich vnd freundlich anzeygen lassen/ sie
 wolle ihre Gesandten gern vff einen solchen allgemeynen Syn-
 odum abfertigen / so fern sie die zeit vnd den ort früe gmug ver-
 nehmen könne / vnd ist gute hoffnung / es würden andere Euang-
 gelische Potentaten gleichesfals ihre Gesandten auch schicken/
 daß also mit Eynhelligkeit vnnnd gemeyner bewilligung aller
 Euangelischen Ständen/ die Eynigkeit desto leichter getroffen/
 vnd folgendes desto gewisser vnd werhafftiger sein könnte.

Es wollen doch die Euangelische Fürsten bedencken / Ob

es in der ersten Kirchen nach der Apostel zeit mit allwege breuchlich gewesen / das der Keyser König oder Fürst dem Synodo oder General Concilio / so er angestellt / als das heupt selbst vorgestanden ist / oder do es nit hat sein können / ob er nit allwege etliche weltliche Personen / so an weißheit vnd verstand fürtrefflich gewesen / an seine statt erwehlet vnd geordnet habe?

Ist nun dieser brauch von so vil mechtigen Keysern vnd Königen vnd hochuerstendigen Fürsten gehalten / demnach von so viel gottseligen hochgelehrten Theologen als ein notwendiges Mittel zur Eynigkeit biß daher erkannt vnd angenommen / Warumb solt man zu diser vnruhigen bösen zeit solchen weg nicht auch vor die hand nehmen / da sich doch niemand finden laß / der bessere mittel zeygen könne?

Zum andern / Bei ein solch gemeyn Colloquiū oder Synodus ins werck gericht / were es rathsam / das die vorstände die verordneten Colloquentē dahin vermögē / das sie sich der Parthenischen gehessigen / vnd (wie der Apostel sagt) zu viel fleyschlichen namen / als da seind Lutherisch / Zwinglich / Calvinisch vnd dergleichen enthalten / vnd dafür andere Bnparteyische / sonderlich in werender versamlung vnnnd gesprech braucheten. Dann es seind in den Königreichen / Franckreich / Engelland / Schottland / Item / in den Niderlanden / Schweiz vnd anderswo viel mehr / Gott lob / denn 500000. Personen / die viel fleißiger / mit grösserer forcht Gottes / vnd besserem nutzen / die Bücher der H. Schrifft gelesen haben / denn eben die Theologi / von welchen sie freuentlicher weise verdampft werden / Vnd die auch an weißheit vnd verstand so viel vermögen / das sie auß Götlicher schrifft / vnd der alten bewerten Lehrer vnd Väter eynheligkeit / leichtlich vnderscheiden mögen / was vns zur seeligkeit notwendig sei zu glauben / vnd seind nit so vnbesonnen noch törricht / das sie vmb D. Luthers seligen / oder Caluini willen / all ihr hab vnd gut / Leib vnd leben / darzu ihr heyl vnd seligkeit in

gefahr setzen wollen. Sie erkennen wol / das sie beide gelehrte woluerdiente Menner gewesen / die der Christlichen Kirchen wol vorgestanden / dabei wissen sie aber auch ihrer beiden schrifften also geschaffen sein / das sie in vielen stucken eyner auflesung bedürffen / vnd mit gutem verstand gelesen werden sollen.

Vmb des wegen bedunckt es viele nicht vnratthsam / das man die irthumb / so etliche dem Luther vnd Caluino zuschreiben / verzechne / dieselbige in gemeiner versamlung ermesse / vñ dem vrtheil eynes Synodi vnterwerffe. Darnach wo etwas dunkel oder zweifelhafftig in ihren schrifften befunden / eyne nütliche erklerung hinzugesetzt werde / vnd also müsse man es auch halten mit andern Scribenten. Dann so man die befundene irthumb verworffen / vnd was tuncel oder zweifelhafftig von Luthero vnd Caluino geredt ist / gnugsam erklet hat / als dann werden ihre Schrifften in grosser achtung sein / allen Gottseligen wolgefallen / mit grossen nutz gelesen / vñd niemand drüber beleydiget noch geergert werden. Vff diese weise mögen die Euangelische Kirche eynen gewissen vnd bestendigen Frieden erlangen.

Vnd zwar ist es in alle wege billich vnd recht / das der menschen Lehr vnd glauben / desgleichen was vnter ihñe Spensig ist / allein nach der heiligen Propheten vnd Aposteln als der rechten Probe / vñd folgendes nach der bewerten Vätter Lehr geurtheilt vnd hingeleget werden. Dahin sollen auch der obgenannten menner Schrifften gezogen / vnd nach dieser Prob sollen sie valuiret werden. Wie denn D. Luther an vielen orten von seinen eygnen schrifften disen sentenz selber gefelt hat.

Dann so heutigs tags Lutherus vnd Caluinus lebeten vnd in einem freien Concilio (nach dem jedermann so gross verlanget hat) ihre meynungen / so iekund streitig sein / auß ihren eygnen schrifften erhalten vñd vertheidigen wolten / würden sie nicht als wahnwitzige nerzische Leuth verlacht vnd verworffen wer

fen werden/ Darumb daß sie die Sachen/darauff der Christen
heyl vnd seligkeit stünde/nach ihren köpffen vnd gutbeduncken
zudrehen vnd zurichten sich vnterstünden?

So man nun diese Freiheit vnd gewalt den lebendigen
Luthero vnd Caluino nicht gestattet/ Warumb solt sie den tod-
ten mehr zugelassen vnd vergönt werden? Es hat ihm aber ihrer
keiner dieses nie zugemessen. Vnd ist gleichwol war/daß die jets-
werende Religions zwitrachten vnd gezenecke/ vornemlich vff
Lutheri vnd Caluini Schrifftten bestehen/ welche von den Par-
theien so halbsstarck vertheidiget werden/ daß sie auch von etliz-
chen vnbescheidenen Theologen/ der H. Propheten vnd Apo-
steln Schrifftten/ wo nicht vorgezogen/ jedoch gleich geachtet
werden.

Zum dritten/ So solt man die öffentliche irthumbbe ver-
dammen/ als nemlich/ in diesem Artickel vom H. Nachtmal:
Wer da spricht/ das die Glaubigen vnd Gottseligen
im H. Nachtmal nit warhafftig essen den waren Leib
vnfers Herren Jesu Christi/ vnd nit trincken sein wa-
res Blut/ der soll von der Gemein Gottes abgeson-
dert vnd außgeschlossen sein.

Zum vierden/ Was nit notwendig zur Seligkeit were/
solt man von den notwendigen Artickeln vnderscheyden. Dann
es ist gewiß/ daß dieser hefftige Streit/ darinn man disputiert:
Was die Sacramentliche gegenwertigkeit sei/ vnd wie wir des
Leibs vnd Bluts Christi theylhafftig werden im heiligē Nach-
mal/ der vrsprung vnd Brunquell ist/ alles neidigen gezäncks
vnd widerwillen/ do sie doch Einhellig sagen/ daß die weise der
Niessung vnd Gegenwertigkeit vnerforschlich/ vnd menschliz-
cher vernunft viel zu hoch sei. Hier auß/sag ich/ ist kommen der
Streit/ Von der Person des Herren Christi. Von seiner Him-
melfahrt: Vom sitzen zur Rechten Gottes/ vnd andere mehr

Puncten / dadurch die vornembste Artickel vnseres Christlichen Glaubens in zweiffel gezogen vnd verdunckelt werden.

Dieweil aber die Geheymnuß vnserer Christlichen Religion einfaltig geglaubt / vnd nit mit spißfündigen gedanken durch die vernunft geklügelt werden müssen / So sag ich das / Wo die Euangelische Christliche Könige vnd Fürsten / sich nicht dise Spaltungen vffzuheben / mit ordenlichen guten mitteln darein legen / darff man anders nit hoffen noch gedencken / denn daß die Christliche Kirchen mit vielen ketzereien vergiffet / vnd ein grausame verwüstung derselbigen erfolgen werde / wie wir den sehen vnd wissen / das vmb gleicher vrsachen willt ganz Asia / Aphyrica vnd Griechenland leyder in eyne schreckliche Barbarei gefallen vnd versuncken ist. Wenn nun die notwendige Fragen vnd Artickel von den vnnötigen abgesondert wurden / könnte man das vielfeltige schädliche gezäncke durch Gottselige gelehrte Theologen leichtlich entscheyden vnd hinlegen.

Zum Fünfften / Stelle man eine solche Confession / die als ten Gottseligen anzunehmen / vnd einem jeden glaubigen zur seligkeit gnugsam ist / Als zum Exempel:

Wenn ich das H. Nachtmal / wie es von vnserem Herren Christo zuhalten eingesezt vnd befolhen ist / in rechter Gottesfurcht / vnd waren Glauben gebrauche / So glaube ich vnd bekenne / daß / weñ ich von dem diener Göttliches worts das Sacramentliche Brod empfang vnd esse / so esse ich auch warhafftig den waren Leib Christi / der vor mich am Creuz gehangen / gelitten vnd gestorben ist / vnd werde damit warhafftig gespeiset. Also wenn ich auß dem dargereychten Kelch den Sacramentlichen wein trincke / so bekenne vnd glaube ich / daß ich auch in der warheit trinck / das Blut Jesu Christi / welches am stam des Creuzes vor mich vergossen ist / vff das ich durch dise speise / werd ein Bein von seinen Beinen / vnd ein Fleysch von seinem Fleysch / Also daß ich in Christo / vnd Christus in mir sei vnd bleibe.

bleibe. Wie aber dieses zugehe / laß ich mich gar nicht anfechten sondern gnugsam ist mir / wenn ich glaube / daß Christus warer Allmechtiger Gott sei / vnd das ihenige durch die krafft seines heiligen Geystes in mir wircke vnd erfülle / das er allen glaubigen zugesagt vnd versprochen hat.

Dises ist mein Glaub vnd kurze Bekanntschaft vom H. Nachtmal / die ich hoffe / sie werd von allen rechtglaubigen als gut erkant vnd angenommen werden.

Oder stelle man etwa eine andere kürzere eynfaltige vnd klare Bekanntschaft / die zur Seligkeit notwendig vnd gnugsam ist / wie denn diese nachfolgende des H. Eusebij Emissenij Bekanntschaft vom heiligen Nachtmal von vielen frommen vnd gelehrten Leuthen gerühmet wird / da er spricht : Wenn du zum hochwürdigen Tisch des Herzen gehen wilt / so heylige du dich zu eytel geyslichen sachen: Thue auff die augen des Glaubens / vnd sihe an den heyligen Leib deines Gottes / Fasse ihn in dein gemüt / Ergreiffe ihn mit der hand deines hertzens / vnd neme ihn ganz in deinen mund vnd leib des innerlichen Menschen.

Wenn nun die in Engelland / Franckreich / vnd andere mit ihnen obereynstimmende Euangelische Kirche zuuor gemelte irrtthumb ohnwegerlich mit helffen verdammen / vnd eyne laute / klare / zur Seligkeit gnugsame bekantnschaft / daran auch kein zweiffel ist / annemen werden. Ist als dann (wie gesagt) in diesem Artickel nur allein diese Frag streitig / Wie der Leib vnd Blut Christi gegenwertig / vnd vff welche weise wir derselbigen im H. Nachtmal theylhafftig werden.

Vmb deren willen könten die Vorstender des Concilij von den Lutherischen begeren / daß sie mit lauterem verstandliche worten

worten sich erklärten. Wie sie denn meynete/ das der Leib Christi im Brod sei verborgen / vnd mit dem mund geessen werde. Desgleichen vom andern theyl auch erfordern / das sie gleichfalls klärlich zuuerstehen geben / vnd sagen musten / Wie der Leib Christi im heyligen Nachtmal sei / vnd geessen werde / Also das zu erleutterung vnd verstande ihrer beyder meynungen feyner weiteren aufführung von nöten.

Wolt aber jemand sagen: Man könne nicht eben solche wort / die Geheymnissen vnserer Christlichen Religion so eygentlich vnd klar an tag zuthun / wie man gern wolt / erfinden: Dem gib ich zur antwort. Das vmb dieser ursach willen den Theologen beyder Partheien zustünde / vff gewisse wort vnd Formen zureden fleißig bedacht zusein / vnd sich deren halben eygentlich vorhin bei zeiten miteinander zuuergleichē / als nemlich deren / durch welche man zum Frieden vnd Eynigkeit der Religion / am nechsten zukommen mag / Sie wolten dann als verwegene Buben vnd öffentliche zerstörer des gemeinen Nuzē von jederman gehalten sein.

II.

Von der Wable vnd Vorsehung Gottes.

Sie Vorstender sollen sich zumor öffentlich erklären / das sie niemand in die versamlung oder Concilium mit zulassen wollen / der folgende Artickel mit bekenne vnd für gut halte.

- I. Das Gott kein ursacher der Sünde oder eyniges bösen sei.
- II. Das er die Lehr der Stoicorum, darinn sie halten / das alle ding / sie seien gut oder böse / also von notwegen / vnd anders nit / geschehen noch sein können.

III. Das Gott an keyne Mittelding gebunden / Sondern als eyn freier Gott / nach seiner vnerforschlichen weisheit / vnd in ewigkeit beständigen gerechten willen / alles in allem sei vnd wircke. Vnd so etliche mehr jrthumb dissfals zuuerwerffen / möchten sie auch bei dise herzu gesetzt werden.

IIII. Erkläre man öffentlich / was in diesen Puncten der zweck sei / vmb welchen die Partheien zwitterächig sind.

Mich zwar bedunckt daruff sei es beyden Partheie am allermeisten in diesem Artickel zuthun. Der Herz verstocket das hertz Pharaonis / Exod. 9. Rom. 9. Vber der auflegung vnd erklärung diser vnd anderer dergleichen reden / so hin vnd wider in Göttlicher schrift geführet werden / hat sich die vneyngigkeit vnd Spaltung erhoben. Dann etliche sagen: Die verstockung hab Gott also haben wollen. Die anderen aber / Gott hab sie verhenckt vnd zugelassen. Hierauf ist klärlich abzunemē / Das der zank nit ist vmb den handel oder die warheit selbst / sondern vmb die wort oder Form zu reden / wie im Colloquio solchs wol erscheinen würde.

So viel mich belangt / glaube ich / das Gott alles beschlossen hat vnter die Sünde / Auff das die verheissung komme durch den Glauben an Jesum Christum / gegeben denen die da glauben / Galat. 3. So glaube ich auch das die wort vnsern Herren Jesu Christi / des Allmächtigen Gottes gewis vnd war sein / da er spricht / Marci 16. Wer da glaubt vnd getaufft wird / der wird selig werden / Wer aber nit glaubt / der wird verdampft werden. Vff dise verheissung fusse ich / vnd glaub festiglich / Das ich der außermelten Gottes eyner sei / nach dem Spruch des Apostels Pauli / 2. Corinth. 13. Versuchet euch selbst / ob ihr im Glauben seid. Prüfet euch selbst: Oder erkennet ihr euch selbst nit / Das Jesus Christus in euch ist: Es sei denn das ihr vntüchtig seid. Nach diser Regel vrtheile ich von meiner vnd aller glaubigen wahl /

vnd laß mir dabei genügen. Dann die Geheymnussen Gottes ergründen wollen / Ist eyne vermessene thörheit. Dieselbigen aber glauben / bringet leben vnd seligkeit.

III.

Von der Person Christi.

Es bekennen beyde Theil / daß Christus Gottes Sohn / vnd ein Herz sei vber alles / was vber dem Himmel / darinn vnd darunder ist. In summa / alles was Gott der Vatter hat / das ist sein / vnd wer das leugnet / soll verflucht sein.

Wenn ich aber an die zutrachten / so sich in disem Artickel erhaben / gedencke / grauset mir / vnd ensetzen sich alle meine gedanken. Dann daß man eyner jeden Natur in sonderheit oder in abstracto zueignet alles was von der Person gered vñ geglaubt wird / wie den etliche solches lehren. Was ist es anders / denn Christum in zwo personen theylen / vnd des Arrij, Nestorij, vnd Eutychetis ketzereien / widerumb vffs new in die Kirchen Gottes einschieben? Vnd das mögen leyder die Euangelische Könige vnd Fürsten hören vnd dulden. Sie sehen aber mit zu / daß sie nit mit der that erfahzen / Wie hoch vnserm Herrn Christo dise lesterung seines Göttlichen namens mißfalle. Es wöllet auch die Theologi zu gemüth führen / das / Wer die Maiestet Gottes ergründen wil / durch die klarheit derselbē verzeret wird / Vnd derhalben sich in disen sachen etwas vorsichtiger vnd bescheidener halten.

Diweil vnter den Theologen (wie offte gesagt) im heiligen Nachmal der Hauptstreit allein beruhet / vff der Sacramentlichen Gegenwertigkeit vnd Niessung des Leibs Christi / als nemlich / vff dem Quomodo, Will ich hienon etwas weitläufftiger denn zuuor handeln.

Erstlich

Erstlich / seind die Partheien cynig in dem / daß das H. Nachtmal von Christo dem Sohn Gottes eingesezt vnnnd gestiftet sei.

II. Das Christus in disem seinem Nachtmal allen Glaubigen seinen waren Leib zuessen / vnd sein Blut zutrinken warhafftig mittheyle.

III. Das vns dises essen vnd trincken zu keynem nutzen gereyche / Denn allein durch den Glauben.

IIII. Das der Leib Christi sei ein speise der Seelen vnd nit des Bauchs. Derhalbē wir auch nicht mit dem Bauch oder zeenen / sondern mit dem Glauben zu disem heylsamem Essen vnd Trincken gefasse sein müssen.

V. Das der Leib Christi im Himmel sei.

VI. Das kein auff vnd Niderfahrens des Leibs Christi im Nachtmal geschehe.

VII. Das diß Geheimnuß oder Sacramēt des H. Nachtmals in sich begreiffe zwei vorneme stuck / als nemlich / Ein vns sichtbares vnd innerlichs / welches ist der Leib vnd Blut Christi: Vnd ein sichtbarlichs vnd cufferlichs / das ist Brod vnd Wein.

VIII. Bekennen vnd glauben sie alle einmütiglich / daß alle Gottselige im H. Nachtmal warhafftig essen den waren Leib vnseres Herrn Christi / vnd trincken sein wares Blut / vnd dadurch in solche gemeinschafft mit Christo kommen / daß sie beyrn von seinen Beynen / vnd fleysch von seinem Fleysch werden / Daß Christus in ihnen / sie aber in Christo sein vnnnd bleiben. Wer dises alles nit glaubt vnd bekent / der soll von der Gemeyn Gottes außgeschlossen vnd Verflucht sein.

So setzen aber die Lutherischen noch ferzner hinzu: Der Leib Christi sei im Brod verborzen / werd mit dem Leiblichen mund geessen / vnd sei sonst / wie es ihre vil hefftig bestreiten / an allen orten gegenwertig.

Sie muß man je billich wissen / Ob dieses leiblich essen des
Leibs Christi / als ein notwendiges stück zur Seligkeit geglaube
werden müsse. Dann wöllen sie es also vor notwendig halten/
(wie wir sie dafür achten) So erfordert die würdigkeit / vnd ge-
wisheit vnserer Christlichen Religion an ihr selbst / daß sie diese
ihre meynung / von eyner so wichtigen sache / auß den Schrifften
der 5. Propheten vnd Aposteln / auch dem einhelligen Consens
der Bralten Lehrer darthun vnd erweisen.

Ob sie auch schon fürgeben / es geschehe auff eyne vner-
forschliche weise / vnd sei der handel Menschlicher vernunft vil
zu hoch / halten sie doch diesem zuwider / daß ihre meynung
von dem Leiblichen essen / bei verlust der seelen seligkeit müsse ge-
glaube werde / Wiewol sie ihrer meynung keynen andern grund
oder beweis darthun könnent / denn daß sie es also von ihren
Præceptoribus, gelernt haben. Welche weise zulehren in den
Kirchen Christi vnerhört / vnd keyns wegs anzunehmen ist. Solt
das gelten / so wurde cyn jeder was neues auff die Ban zubrin-
gen / vnd dasselbige als eynen Artickel des glaubens den kirchen
auffzudringen macht haben. So wurden auch die Papisten
in ihren irthumen vnd götzendienst gewaltiglich gestercket wer-
den / als die ihre sachen mit vil scheinbarlichern Argumenten
wissen zuschmucken / Nemlich also.

Sie seien nun von so vil hundert jaren her / ohn alles wi-
dersprechen / von so vil hochuerstendigen Gottsförchtigen Bi-
schoffen / von den gelehrtesten Theologen zu ihrer lehr vnd glau-
ben vnderwisen / Sei auch dieselbige lehr von so vilen / vnd in
mancherley Prouincien gehaltenen Synodis, desgleichen auch
nicht wenigen Concilijs generalibus mit eynhelliger meynung
vnd Consens angenommen / approbirt vnd bestätigt / Derhal-
ben würde es eyne grosse verwegenhert vnd leichtfertigkeit an
ihnen sein / so sie sich durch cyniges menschen / als Lutheri / oder
wer der auch sein möcht / vngegründten / vnd mit keynem auß-
truckt

trucklichen zeugniß der H. Schrift beweislichen Opinion / von
ihrer lehr vnd glauben abführen ließen.

¶ Aber wenn ihr Euangelische Theologen in Teutschland
dise ewere schädliche meynung / von d Sacramentlichen münd-
lichen niessung des Leibs vnd Bluts Christi / darüber ihr so heff-
tigen zank anrichtet / gnugsam / wie euch von rechtswegen zu-
stehet / an tag gethan vnd erklet hettet / Demnach auch zwischē
den fragen / so zur seligkheit notwendig sein / vnd den vnnötigen
eynen vndersehend hieltet / wurd euch nit schwer ankommē / mie
anderen bescheydenen Theologen vnd reynen kirchen frid vnd
eynigkheit an zurichten vnnnd zu erhalten / Vnnnd wurden auch
nach gemachter eynigkheit die Papisten nit mehr den Teutschen
auffrupffen vnnnd fürwerffen können / daß in ihrer Religion so
mancherley glauben als kirchen erfunden werden.

¶ Derhalben bitt ich euch frommen Theologen vmb Chri-
sti Jesu willen / laßt euch ewer ampt vnd befehl / an welchem so
vil jämmerlich betrübte vnd angefochtene kirche / leyder eyne lan-
gezeit vil zu vil mangel gespüret / vnd mit der that befunden ha-
ben / eynmal angelegen sein / Dann fürwar auff diser ewer erkle-
rung entweder frid vnd ruhe des gemeynen Nuzen / oder dessel-
ben sampt der kirchen schädliche zerstörung vnd vndergang be-
ruhet vnd gelegen ist.

¶ Was nun die Gottlosen belangt / seind alle Euangelische
Theologen des bekant: Das der Leib vnd Blut Christi im H.
Abendmal eyn Speiß des Herzens vnnnd nit des Bauchs / der
Seelen vnd nit des Leibes ist / Das auch die fromme Gottselige
leuth mit diser Heyligen Speiß vnd Tranc durch des H. Gei-
stes krafft vnd wirkung warhafftig genehret vnd gespeiset wer-
den. Das aber eyne Gottlose verfluchte Secie mit den from-
men von eynerley Speise vnd Tranc durch wirkung des Hey-
ligen Geistes soll genehret werden / bitt ich alle fromme herzen
vmb verzeihung / sie wöllen mir nit verargen / wenn ich mich di-

ser meynung zu wider erklere/ als der ich dieselbe in meinen glaub:
ben nit bringē kan / sie werden denn auß Göttlicher schrifft klär:
lich dargethan vnd erwiesen / Dann je das Heylig Nachtmal
darumb eingesezt ist / domit alle desselbigen Tischnossen eyn
leib werden / dessen haubt Christus ist / vnnnd das durch dise ge:
meynschafft die frommen von den Gottlosen vnderscheidet
werden/ So seind je auch die wort vnsern herren Christi hell vnd
klar gnug/ Johan. 6. Wer mein fleysch ist, vnnnd trinckt mein
blut/ der hat das ewig leben.

Hie sollen die Theologi gleiches fals ermahnet vnd gebet:
ten werden / das sie auch in disem stuck rund bekennen/ was sie
dauon halten / Nemlich / wie eyn vngläubige Gottlose Seel
den Leib Christi esse / vnd ob vns dises zuglauben zur Seligkēte
notwendig sei / das die Gottlosen den waren Leib Christi essen/
Da wir sonst all eynmütig sagen vnnnd bekennen / Sie essen ih:
nen das Gericht/ vnd werden schuldig an dem Leib des Herren/
als die ihn den Herren Christum / vor ihren Gott vnd Heyland
nicht erkennen noch annehmen.

Die Sachen aber endlich eynmal zubeschliessen/ bedunckt
es (wie droben gesagt) vile verstendige leuth/ den spaltungen am
gewissesten vnd schleunigsten abzuhelffen/ der weg sein.

Erstlich/ das in Teutschland eyn Synodus mit gemey:
ner aller Euangelischen Teutschen Fürsten bewilligung ange:
stelt wurde. Dann es können so hochwichtige sachen / vnd die
nit nur eyn land / sondern die ganze Christenheyt antreffen
vnd belangen / durch wenige leuth/ ohn nachtheyl deren die es
mit angehet/ nit erörtert werde. Vnd wie die Römische Bābste
kēnen größern schrecken empfinden / dann so sie eyn Conci:
lium hören nennen/ Also siben man vor auß/ das den jenigen/
so iesund in Teutschland gleich eyn neues Bābsthumb anzu:
richten gesinnet / vñ alle andere kirchen ihren köpfen nach me:
stern wollen/ nichts so gar zu wid ist/ als eyn allgemeyner Syn:
odus

odus der Euangelischen ständen. Dann es ist keyn zweiffel/
wann es zu eynem allgemeynen Synodo, (wie hoch von nöten)
kommen solte / es wurden die Euangelische Fürsten ihrem ho-
hen verstand vnd frommigkeyt nach / vil mehr dahin arbeyten/
wie dem elenden gemeynen nutzen geholffen / die kirchen wider-
umb auffgerichtet vnd befriediget würden / denn das sie etlicher
weniger Theologen Stols Has vnnnd Neid sampt andere böse
Affecten / ihnen gefallen lassen vnd beifall geben würden.

Zum andern / Das man in solchem Synodo die ir-
thumme verdamme.

Zum dritten / Das durch die Vorstender mit der Theo-
logen hilff vnd rath / die stücke so nit notwendig zuglaube seind /
von den notwendigen abgesondert wurden / Damit durch vn-
nötige sachen / der gemeyne nutz lenger nit betrübet werde. Auff
dise mittel vnd wege ist zwischen den Euangelischen kirchen ey-
ne Concordia leichtlich zu erhalten.

Nun wolan / zu befürderung der Sachen / glaube ich ve-
stiglich / das ich im H. Nachtmal warhafftig esse den waren Leib |
vnsers herren Christi / vnd sein waren Blut trincke. Ich glaub *de ratione*
be auch das durch dises essen vnd trincken meine Seel warhaff- *in se*
tig gespeiset vnd genehret werde mit dem Leib vnd Blut Chris-
sti / vnd das ich dadurch Beyn von seinen Beynen / vnd Fleysch |
von seinem Fleysch werde. Wie das ? Antwort / durch den glaus-
ben / damit ich den Herren Christum als meinen waren All-
mechtigen Gott ergreiffe / vnnnd durch die krafft des Heyligen
Geystes / dem dises Geheymnuß alleyn bekant ist / vnd der sol-
chen glauben in mir wircket.

Die weise aber diser Gemeinschaft zuerkennen / wil ich
mit gutem rühigem vnd friedsamem gewissen erwarten / was der
allgemeyne Consens vñ meynung der Euangelischen Kirchen /
hierüber beschliessen / vñ an tag geben wird. Glaube aber drum
nicht

nicht das der Leib Christi warhafftig nach seinem wesen vnnnd Substanz in dem Brod verborzen sei. So glaube ich auch nicht das die gottlosen Seelen den H. Geist in sich kommen lassen/ oder das sie mit dem H. Leib Christi gespeiset vnd genetzet werden. Sondern das sie an dem Leib vnd Blut Christi schuldig werden/ Dieweil sie die Regel vnd gebott/ die der H. Paulus allen denen/ so zum Tisch des Herren hinzu gehen/ vorgeschrieben/ vnd außdrucklich vfferlegt hat/ halbstarriglich verachten vnd brechen.

Nun mag ein jeder auß grund der warheit bei ihm selbst er-messen/ Ob ich deshalb ein Gottslesterer/ Kezer/ Sacramentschender/ ja viel erger denn ein Türck gehalten vnd sein soll: Vnd ob ich nicht von den rechtmessigen frommen Kirchen als ein glied in Christo erkannt vnd vffgenommen/ vnd wie ein Mitbruder gehalten soll werden. Dann vff disen beyden heuptstücken besteht die macht vnd krafft alles haders vnd gezentcs.

Da mich aber einer mit diser Frage zu red stellen würde/ Ob auch diejenige von andern Kirchen sollen vnd können als mitglieder in Christo vnd seiner Gemeyn/ an vnd vffgenommen/ vnd für brüder gehalten werden/ die den folgenden Punkten statt geben/ vnd die vor recht halten. Als nemlich vnd erstlich/ Das man die irrehümme verdammen soll/ vnnnd das die Geistliche Niessung des Leibes Christi/ so durch den Glauben geschicht/ den frommen allein zugehöre. Vors ander/ das wol das Capernaitisch essen vnd trincken/ beneben den harten reden von der leiblichen gegenwertigkhey vnnnd niessung des leibs Christi/ nach vrtzehl vnd meynung vieler hochgelehrter vñ frommer Theologen zuuerwerffen sei/ Man müsse aber nichts desto weniger auch glaube/ zu mehzung vñ stercküg des glaubens/ das der Leib Christi auff eyne vnaußsprechliche weise im Brod sei/ vnd mit dem mund genossen werde. Vors dritt/ das auch die Gottlosen den Leib Christi ihnen selbst zur verdammnuß essen.

Ob/

Ob/ sag ich/ eyn solcher auch für eyn mitglied in Christo vnnnd
mitbruder zuhalten sei?

Antwort.

Was andere hievon halten ist mir vnbekant. Ich meines
theyls will ihn gern vor eynen Mitbruder halten vnd erkennen/
Dann es sollen die geheymnussen vnserer Christlichen Religion
gar mit gutem bedacht / Bescheydenheyt vnd forcht Gottes in
in acht genommen vnnnd gehandelt werden/ Vnnnd wolte Gott
das die Spaltungen dahin bracht werde könne/das man nichts
anders dann dises hette zuuergleichen / Dann ich halts vor ge
wis/ es würden die vorstender / beneben den frommen Theolo
gen/so dem Synodo beiwohneten / dises mittel mit einhelliger
stimm/einigkeyt / ruhe vnd frid zuerhalten/ gern annemen vnd
bekrefftigen. So trage ich auch keynen zweiuell / die Königl. W.
in Engelland solt ihrer sonderlichen gütigkeit/ vnnnd höchstem
zu frid vnnnd eynigkeit geneygten willen vnd begirde nach/ eyn
solchs Decret als hochnotwendig nit alleyn gern annemen/son
dern auch die zusage vnnnd versehunge thun / Do sich eyn oder
mehr in ihrem Königreich demselbigen mündlich oder schrift
lich/ heymlich oder öffentlich/auff was weise es geschehen möch
te/widersehen würde/dieselbigen als zerstörer vnd feinde gemeyn
nes fridens in ernstliche straffe nemen.

Da nun die andere Euangelische/Könige/Fürsten vnnnd
Stände dergleichen thun werden/ so kan man frid erhalten vnd
behalten/Vnnnd ist gute hoffnung/wenn der zentische eiffer als
gemächlich nachgelassen vnnnd erkaltet ist / so werde mit Gottes
gnad vnd hilf/durch verstand/anschen vnnnd gewalt der Euang
gelischen Fürsten vnnnd Ständen / auch zeitlichen wolgehabten
rath der frommen Theologen eyn allgemeyner/ stetiger/ gewis
ser vnuerbrechlicher friede der Kirchen widerfahren vnnnd erhal
ten werden.

Dis ist auch D. Luthers rath vnd bedencken/wie man wi
derumb zur eynigkeit kommen vnnnd dabei verharren möge/wie

auff d' Epistel so er dē ersten des Wintermonats Anno/2ē. 1537ē
den Euangelischen Stetten in Schweiz zugeschriben hat/ fers-
lich offenbar ist/ Derhalben ich denn auch für rathsam vnd gut
angesehen habe/ dieselbige Epistel von wort zu wort allhie einzu-
führen vnd zu wiederholen.

Answer Herrn S. Martini Luceri
auff der Euangelischen Stätt in Schweiz an
ihne der Concordi halben gethanes schrei-
ben vnd Declaration.

Den Erbarn fürsichtigen Herrn Burgern
stern/ Schultheysen/ Matern/ Rāthen vnd Bürgern
der Endgenossische Stätten samptlich/ Zürich/ Bern/
Basel/ Schaffhausen/ Santgallen/ Nülhausen vnd
Bühl/ meinen besondern günstigen Herrn vnd guten
freunden.

Sad vnd frid in Christo vnserm Heyland/ Erbare fürsich-
tige liebe Herrn vñ freunde/ Ich hab nun mehr dann zuvil
lang verzogen/ auff ewer schrifft an mich gehn Schmal-
kalde gethan/ Solches verzugs wolt ich mich wol gern entschul-
digen/ hoffe aber es sei nit not/ dieweil ich achte E. Erb. selbst wol
wissen/ wievil mir teglich auff dem halse ligt/ der ich nun alt vnd
schwach bin/ also das ich mich auch jetzt hab müssen abschelen
von den leuten vñnd geschefften/ damit ich dise schrifft eynmal
fertigen möchte.

Ich hab nun zwar widerumb E. E. schrifft gelesen/ vñnd
bin des erstlich hoch erfrewt/ das ich vernommen/ wie/ hindan
gesetzt aller vorigen scherffe vnd verdacht/ so wir mit ewern
digern

digern gehabt / eiver ganser grosser ernst / eynigkheit anzunemmen vnd zufürdern beschlossen sei / Der Gott vnd Vatter aller eynigkheit vnd liebe / wölle solch gut angefangen weret gnediglich vollführen / wie geschriben steht / Wann Gott gefelle eynes Mannes weg / so befehrt er auch seine feinde zum fried / Nun ist wol war vnd kan auch nit anders sein / das solche grosse zwitracht nit kan so leichtlich vñ bald / wider ganz ohne ris vñ Narbeit gehenlet werden / dann es werden beyde bei euch vnd vns etliche sein / welchen solche Concordia nit gefällig sonder verdächtigt sein würde / Aber so wir zu beyden theylen / die wir es mit ernst meynen fest vnd fleissig anhalten / wird der liebe Gott vnd Vatter wol seine gnad geben / das es sich bei den andern / mit der zeit auch zu tod blute / vnd das trüb wasser sich widerumb setze.

¶ Ist derhalben mein freundlich bitt E. E. wölle darzu thun vñ mit ernst verschaffen / das bei euch vnd den ewern / die Schreier / so wider vns vñ die Concordi plaudern / sich ihres schreiens enthalte / vñ das volck einfaltiglich lehren / darneben dise sachen der Concordi lassen befohlen sein / denen die darzu beruffen vnd tüchtig sein dieselben nit hindern / gleich wie auch wir allhie beyde in geschriffen vñ predigen / vns ganz still halten / vnd messigen wider die Ewern zuschreien / damit wir nit vrsach geben / die Concordiam zuhindern / welche wir ja von herzen auch gern sehen / das weys Gott / vnd Gott gelobt des fechtens vnd schreiens ist bisshero gnug gewesen / woh es hette sollen etwas außrichten. Vnd zuuorderst will ich ja ganz demütig gebeten haben / wöllet euch zu mir versehen / als zu eynem der es ja auch mit herzen meynet / vnd was zu fürderung der Concordi dienet / souil mir jhier möglich / an mir nichts mangeln soll / das weys Gott. den ich zum zeugen auff mein Seel nimb / dann die zwitracht weder mir noch anderen geholffen / sondern vilen schaden gethan hat / das freilich nichts nutzlichen noch guts darinnen zuboffen gewesen vnd noch nit ist.

Vnd damit ich auff ewere artickele komme / So weyß ich feynen mangel an dem ersten / von dem mündlichen wort / dann wir auch nichts anders lehren / dann daß der heylig geyst müsse innwendig wirken im hertzen der zuhörer / vñ daß das eufferlich wort alleyn nichts außrichte / Sonst wö es das eufferlich wort alleyn solte thun / würden alle glaubigen / die es hören / welches doch nicht geschicht / wie die erfahrung überzeuge / vnd S. Paulus spricht / Rom. 10. Haben sie es nit gehört / aber sie glauben nit alle dem Euangelio / Doch das demnach das mündlich Euangelium / Gottes wort vñnd Gottes krafft heisse zur seligkeit allen denen die daran glauben / Rom. 1. Also durch welches Gott rufft vnd zeucht welche er will / durch seinen heyligen geyst / vnd was hierinn in geschribten von euch oder von mir / gegen andern nit möchte gang deutlich verstanden werden (dañ wir können nicht eynerley weis / noch eynerley Sprach gebrauchen) So wirt Doctor Capito vnd Martinus Bucerus wol deutlich vnd klärlich hierinnen zu mitteln vnd alles auffß best zuerklären wisßen / wie ich mich dann dessen gänzlich zu ihnen verseehe / daß sie es mit gangem fleiß vnd trewen thun vnd thun werden / als ich dann bisshero nit anders gespürt hab.

Deß gleichen der Tauff halber / im andern Artickele / spür ich auch feyn vngleichs / Dann gleich wie jetzt vom mündlichen wort geredt ist / so halten wir auch / daß alleyn wasser vñnd wort (welches das fürnemste in der Tauff ist) ohne den heyligen geyst innwendig / nichts schaffe eufferlichen / Doch solcher Tauff Gottes eufferlich zeichen / ja gezeug vñ werck / dardurch Gott in vns wircke / damit es nit eyn lehr ledig menschen zeichen oder eyn losung sei.

Der dritte Artickele vom Sacrament deß leibs vñnd bluts Christi / haben wir auch noch nit gelehrt / lehren auch noch nit / daß Christus vom Himmel oder von der rechten hand Gottes hernider vnd auff fahre / weder sichtbarlich noch vn sichtbarlich /

bleis

bleiben fest bei dem Artikel des glaubens / Auffgefahren gehn
Himmel / sitzet zur rechten hand Gottes / von dannen er künfftig
ist / 2c. Lassens Göttlicher Allmechtigkeyt befohlen sein / wie
sein leib vnd blut im Abendmal vns gegeben werde / wo man
auff seinem befehl zusammen kombt / vnd sein einsagung gehalten
wirdt / Wir gedencken da keyner aufffahrt noch niderfahrt /
die da solte geschehen / sonder bleiben schlecht / vnd einfältiglich
bei seinem wort / Das ist mein leib / das ist mein blut / 2c.

Doch wie droben gesagt / da wir eynander hierinnen nit
so genzlich verstanden / So sei jekund dz das beste / das wir gegē
eynander freundlich seien / vnd vns immer guts gegen eynander
versehen / biß sich das gluma vnd trübe wasser sese / So kan Do-
ctor Capito vnd Martin Bucer hie vnd in allem wol zu rathen /
wo wir nur die hergen zusammen schicken / vnd allen vnwillen
fahren lassen / damit dem heyligen Geyst raum gegeben werde.

Weitter die lieb vnd freundliche Concordien vollkommen
zumachen / wie wir dann vnser theyls / sonderlich ich meiner
personen halben / will ich allen vnwillen von hergen fahren las-
sen / vnd euch mit lieb vnd trew meynen / dann wann wir / so es
mit ernst treiben / schon das höchst thun / dörffen wir dannoch
wol grosser Gottes hülf vnd rath / dieweil der Sathan vns vnd
der Concordi feind / wol würde die feinen zufinden wissen / die da
bawm vnd felsen in weg werffen werden / das nit nothut / das
auch wir vnwillig vnd verdächtigt auff eynander sein / sonder
ist not / das wir hergen vñ hand eynander reichen / geben vñ fest
halten / damit es hernacher nit erger werde / dann vor.

Vom Bann oder schlüsseln / weyß ich mich nit zuerins-
nern / ob jemals streit oder zwittracht zwischen vns gewesen sei /
villeicht ist es in disem stück bei euch baß gefasset dann bei vns /
vnd wird sich / wo es sonst alles vollkommen wirt sein / die Con-
cordi hierinnen nit stossen noch saumen / Ob Gott will / Amen.

Solches will ich dismal auff Ewer E. geschriffte auff

fürhest geantwort haben / Bitt wöllend es für gut auffnehmen /
 daß in meinem kopff stecke täglich wil handel / schwere gedanke /
 daß ich nit kan eyn jeglichs also handeln / als hette ich nit mehr
 dann eyns oder zwey zuthun.

Hiermit befehl ich E. E. alle sambt / vñnd alle die Ewigen
 dem Vatter aller barmhertzigkeit vñnd trosts / der verleih vñnd
 zu beyden theylen seinen heyligen Geyst / der vnserer herren zus
 samen schmelse in Christlicher lieb / vñnd aufsege allen schäum
 vñnd rost menschlichs verdachts / vñnd teufflicher bosshert vñnd
 argwohn / zu lob vñnd ehr seinem heyligen Namen / zur seligkeit
 viler Seelen / zuwider dem Teuffel vñnd Wapst / sambt allen sei
 nen anhangern / Amen. Deumbris / Anno / 1537.

E. E. Williger

Martin Luther.

Hierauf gib ich den Euangelischen Königen / Fürstewiß
 Ständen / auch den frommen / fridsamen Theologen / zubetrach
 ten / wie nusslich vñnd notwendig es sei / daß eyn einfältige klare
 bekantnuß / so zu vnserm heyl gnugsam vom heyligē Nachemāt
 des Herren / darinn die weise der Sacramentlichen gegenwer
 tigkeit vñnd niessung des leibs vñnd bluts Christi nach aller not
 turfft gnugsam erklet sei / gestellt werde: Oder so das füglich nig
 geschehen kan / daß doch vnder den Theologis / von wegen der
 wort vñ formulē zureden / eyne vergleichunge gemacht / damit
 eynmal das verderbliche gezänet / so sich daher irrete hat / eyn
 end nemen möge: Welches den gelehrten vñd frommen Theo
 logen nit schwer zuthun sein wirdt / vñnd man billich von ihnen
 gewertig ist.

Daß sie wissen gar wol / daß etliche Theologi / in meynung
 damit zuerhalten / daß der leib Christi im Brod des Nachemā
 ls

malß verborgen sei / vnd auch von Gottlosen geessen werde / vil vngereimlicher / scheinlicher opinionen Von der Person Christi / Von seiner hüthelfarth / Vom sitzen zur recht Gottes des Vaters auff die ban bracht haben / Dadurch die wahre Religion auß dem fundament bewegt vnd erschüttet / Die vornembsten Artikel in eyn zweuel gezogen / vil keherei in die kirchen Gottes eingeschoben / der gemeynen nutz in die eufferste gefahr bracht / vnnnd daß ichs eben herauß sage / das Bapstumb gestreckt / vnd eyn offener weg zum Türckischen Mahomet / vnnnd verleugnung der Göttlichen Maiestat gemacht vnd gebant wird.

Wann Wenn die zur seligkheit notwendigen stuck durch die Theologen von den vnnötigen / wie ihnen wol angestanden were / vnderseyden / vnnnd ihrer opinion eyn rechter name gemacht / so were lang eyn bestendiger allgemeyner frid vnder den Euangelischen Potentaten vnd Fürsten gemacht worden.

Damit aber diese schädliche vnnnd verderbliche spaltungen vber den vornembsten haubstück vnsrer Christlichen Religion eynmal mit gemeynem rath / einhelligen Consens / gewalt vnnnd beforderung der Euangelischen Königen vnd Fürsten entseyden / vnnnd ganz auffgehoben werden möchte / mit vermeldung ihrer schweren straff vñ vngnad / da jemand mit weiterem zant den gemeynen nutzen betrüben würde / sollen alle liebhaber gemeynes fridens mit ihrem ernstlichen gebet / vnnnd allem vermögen eynen solchen gemeynen Synodum helffen befördern. Diese bedyncken mich also die vilgebrauchte / leichte vnnnd bequeme mittel sein / dadurch die Euangelische Kirchen nach auffhebung alles vnnötigen streits vnd gezäncks in frid vnd eynigkheit widerumb gefest werden möchten.

Alhie kan ich mit vnderlassen / euch die frommen Theologen alle sambt / vor den gerechten richterstuel Gottes zuladen vñ darbei zuermanen: Daß ihr vermöge ewerer hohen pflichten / damit ihr dem Sohn Gottes vnserm erlöser vnnnd seligmacher

Jesu

Jesu Christo / demnach auch ewer Christlichen Oberkeyt zuge-
 than vnd verbunden seid / das ihr derselbigen ewerer Oberkeyt
 auffrichtig vnd trewlich die warheyt bekennen / Ob deren zwit-
 trachen / so vnter etlichen Theologen / von der Person Christi /
 Von seiner Himmelfahrt vnd sitzen zur rechten Gottes sei-
 nes Himmlischen Vatters heutigs tags vberhand genommen /
 so vil zur Seligkeyt notwendig seien oder nit in betrachtung
 das gemelte artickel / vorhin von den vralten bewerten Lehrern /
 so Christlich hell vnd klar nach aller notturfft beschriben / vnd
 bei vns den nachkommenden hindlassen / am tag seind / Ob man
 sie loben soll oder nicht? Seind sie nicht / sage ich / der mehr
 ertheyl als schädliche / Gottlose / verfluchte handel / von jeders
 man zuuerwerffen vnd zuuerdammen? Diweil auch an dis
 sem handel der kirchen Christi vnd aller Stenden des gemeyn-
 nen Nutzen heyl vnd wolfahrt gelegen ist / siehet es nicht euch
 Theologen sonderlich zu (wo ihr anders glaubt das Christus
 eyn Gott sei) das ihr in diser hochwichtigen / vnd Gottes ehr am
 meisten belangende sachen ewer ampt zu gemüt führet / vnd
 demselbigen trewlich vnd fleissig nachkommet.

Zu dem / diweil der streit von der Sacramentlichen ge-
 genwertigkeyt / vnd niessung des leibs Christi im H. Nachtmal /
 wie nemlich dieselbige zuuerstehen sei vnd zugehe / alleyn noch zu
 entscheidenden vnd auffzuheben vberig ist / wenn die mittel / so ich
 der sache zum besten / trewhersiger Christlicher wolmeynung vor
 geschlagen / euch etwan nit gefallen / were es nit billich / das ihr
 als dann bessere mittel suchet vnd vortrüget / auff das die schede-
 liche zwittrachten hinweg geraumbt / vnd die vil gewünschte ey-
 nigkeyt / in den kirchen Christi / vñ dem gemeynen Nutzen ange-
 richtet werde. Diweil aber nichts gewisses oder bestendiges von
 disem alle ohn eynen allgemeynen Synodum beschlossen od ge-
 handelt werde kan / trag ich keynen zweiffel / ihr werdet denselbē
 so vil an euch ist / trewlich vnd fleissig helfen ins werck richten.

Nun

Nun muß ich auch eyn wenig sprach halten mit denen Theologen/ die sich des gemeynen Schäkermeyster oder Richterambts vber andere kirchen so frei vnd gedurstig vndernehmen dürffen/ vnd wil ihnen gleich als mit fingern zeugen / wie sie so groß leyd vnd vnfüg dem gemeynen nutzen gestiftet haben/ das auch von tag zu tag je lenger je grösser wird vnd zunimbe. Ob sie durch meine trewhertzige vermanung bewegt/ das jenige leyden wollen / das trewen vnd frommen Theologen zustehet vnd gebüret. Dann das sie der kirchen Gottes hefftig zu wider gehandelt haben / will ich ihnen gnugsam beweisen / mit dem anhang / do sie das jenige / so sie entweder wissenschaftlich oder vnwissenschaftlich mishandelt haben / nit widerumb zuuerbessern / vnnd gut zumachen sich vnderstehn werden / als dann künfftig zu seiner zeit eynmal werden selbst erfahren / das Gott den grossen vnd grewlichen sünden / mit grossen vnd schrecklichen straffen zubegegnen gewohnt ist.

Erstlich ist auß ihren büchern / so im öffentlichen truck seind allen menschen bekant / das sie die kirchen in Engelland/ Franckreich/ Niderland/ Schottland/ Schweiz/ vnnd vile andere/ so in der Religion eynmütig sein/ vngehörter sachen/ ihres vilfaltigen begerens vngachtet vnnd zuwider / als kesserische/ vnnd die mit dem wort Gottes vntrewlich vmbgehen sollen/ verdambt haben/ Sie auch in ihrem grossen vnglück/ darinnen sie von allen seiten schwerlich bedrängt vnd verfolgt worden/ des teuffels martyrer genant / die vil weniger denn die Gottlosen Scythen vnd Türcken zu dulden seien / Vnd ist vnleugbar/ in dem sie die kirchen in Engelland vnnd Franckreich verdammen/ das sie Königl. W. in Engelland vnd Nauarren auch andere mehr standhafftige woluerdiente Fürsten angeregtes greulichem lasters theylhafftig machen wollen.

Sie wissen wol das der Papsst zu Rom vnd Herzog von Alba Königl. W. in Engelland. etlich mal grosse gefahr leibs

32
 vnd lebens durch ihre heimliche Practicken zu gerichtet haben/
 denen sie doch durch sonderliche verschung Gottes entgangen
 ist. Nun gebe ich allen verständigen leuthe zuermessen/ Ob auch
 der Pappst zu seiner gewulichen mörderei grössere beschönung/
 anlaf / vnd vorschub haben könnt / ihre Königl. W. zuuerban-
 nen / oder newe auffruhr wider sie zuerwecken / damit sie entwe-
 der mit listen oder gewalt hingerichtet werde / denn eben das ver-
 fluchen vnd verdammen der Teutschen Theologen.

Es wöllen auch alle liebhaber gemeines Friedens die sacht
 bedencken / Ob jemand gewissere vnd bequemere mittel erden-
 cken hett könnē / Königliche W. in Franckreich zu bewegen / den
 so hoch verbrüefften / vnd mit aller darzu gehörigen Solemnitet
 geschwornen Frieden / wider dero Vnterthanen zubrechen. So
 können die Euangelische Potentaten / Fürsten vnd Stände /
 leichtlich vrtheilen / Ob Königliche W. auß Hispania gröss-
 sere vrsach haben könte / ihrer gefasten vngnaden gegen die Ni-
 derland / Sonderlich was die Predig des H. Euangelij belangt
 ihnen dieselbigen keins wegs zugestatten.

Zum andern / Werden vil Kirchendiener nit allein zu
 hof / sondern auch in den Stätten vñ Dörffern in Teutschland
 durch die vnzeitige vrtheil diser Kirchenrichter nit allein durch
 öffentliche schrifftten / sondern auch durch brüeffe derselben dahin
 bewegt vnd angereyst / das sie beinahe keine Predig thun könnē /
 in dero sie nit obangeregte Kirchen herüber ziehē / vnd mit aller-
 lei schmach vnd lesterworten vff das ärgste vor ihren Gemeynde
 dargben vnd verhasst machen. Also werden leyder durch ihre list
 vnd Practicken die heiligen gliedmassen Christi zerissen vnd zer-
 zert / vnd seine Kirchen mit so gefährlichen Spaltungen verwir-
 ret / das entlich nicht anders / denn deren oberfall / vnd eufferstes
 verderben zubesorgen ist.

Zum dritten / Gibe ich cynem jeglichen zubetrachten /
 Ob jes

Ob jemals die Scythen oder Türcken so vnbilllich gehandelt/
 ob je ein Volk so gar vnmenslich vnd vnarmherzig gewesen
 sei/ das seine benachbarte/ Könige/ Fürsten vnd Stätte/ also
 gar vngehörter sachen/ die auch zur billichen verhörd vnd erkant-
 nis zu kommen allezeit begert haben/ so vnschuldige verdampft/
 vnd enteignet hab/ als dise selbstgewachsene Kirchenrichter/ die
 so viele hochlöbliche/ vnnnd vmb den gemeinen Nutzen woluer-
 diente Fürsten/ so vil fromme vnschuldige Kirchen/ die mit
 grossem ernst/ vnnnd schier vngleublicher standhaftigkeit die ehz
 Christi besordert/ vnd die reyne ware lehze Göttliches worts mit
 vergießung ihres eygenen bluts bekennen vnd bestätigen/ aller
 ihren glimpff vnd ehz/ so vnuerschambter weise/ öffentlich mit
 vnwarheit zuberauben/ sich vnderstandē. Ob auch eyner jemals
 arglistiger practicken sich an seinen Feinden zurechen geübet ha-
 bedenn dise Kirchenrichter/ damit sie vil vnschuldige vnd mit
 Gottesfurcht wolgezierte Könige vnd Fürsten/ desgleichen sehr
 viel Christlicher Kirchen in groß angst vnd not bringen:

Ich wil mich gern dem Urtheyl aller frommen herzen
 vnderwerffen/ ob dis nit ihre werck seien/ Ob sie nit alle ihre
 handlungen vnd rathschlege dahin richten/ ob ich ihnen auch di-
 se ihre böse thaten nit mit warheit fürwerffe vnd verweise. Wel-
 ches ich darumb öffentlich thue/ das sie durch meine hefftige jez
 doch in warheit gegründten vermanungen lernen in sich selbst
 gehen/ vnd die wunden/ so sie geschlagē widerumb heylen/ auch
 die verfallene Kirchen vnd Gemeynen/ widerumb auffrichten
 vnd erbawen helfen.

Diweil sie aber so vile Könige vnd Fürsten/ auch so vile
 Kirchen öffentlich verdampft/ auß welchen verdammungen sehr
 grosse vnd gefährliche vnruhe in dem gemeynen Nutzen erregt/
 vnd noch viel böser zubeforgen seind. So erfodern die Göttli-
 che vnnnd menschliche gefas/ dazu die Natur selbst/ das die ver-
 dampften Partheien auff ihz ansuchen vnd begeren gehört/ auch

ob ihnen recht oder vnrecht geschehen sei / vnpartheylich recht-
messig erkant werde.

Damit aber in diser wichtigen sache billiche ordnung vnd
maß gehalten / vnd dieselbige ins werck gerichtet werden möge/
will ich zweierlei mittel zeygen. Das erst/ Das ein gemeyne vers-
samlung oder Synodus, in Teutschland angestellt werde / zu
welchem die Königliche W. in Engelland ihre Commissarien
zuschicken erbötig ist. In welchem auch die Partheien recht-
messig gehört / ihre sachen auff das aller fleissigst erwogen / vnd
der sentenz nach rechter erkantnuß derselben gesprochen werde.
Wie das von alters her in der Kirchen breuchlich gewesen ist.

Die Kirchenrichter können nicht verneynen noch leug-
nen/ daß etliche Euangelische teutsche Fürsten/ vnd viel hochgez-
lehrter Theologen / an die andere Euangelische Fürsten begert
haben / daß man mit gemeiner stimm in Teutschland eynen Syn-
odum anstellen wölle. Sie bekennen auch selber/ das dise weise
vnd heylsame rathschlege der Fürsten vnd Theologen ihnen
von den andern Fürsten (als die auch gegen dem gemeynen Nus-
zen einen Christlichen guten eyffer tragen) mitgetheylt seien.
Damit sie auch ihre meynung hierüber / vnnnd was sie für gute
mittel zur eynigkeit hetten/ von ihnen erlernen möchten.

Wolan/ Ihr Kirchenrichter/ so last hören/ Was bedüncket
euch dann vor ein leichterem vnnnd gewisserem weg dise zwitrach-
ten vffzuheben vnd zuenden / dann durch eynen freien allges-
meynen Synodum in Teutschland? Sagt vsach. Warnumb
habt ihr so vieler teutschen Fürstē weise vnd heylsame rathschle-
ge / vnd von allen frommen herzen so hochgewünschte Mittel
verworffen/ vnd mit arglistigen Practicken bisz daher vnd noch/
gehindert? Ewere in öffentlichem truck außgangene Bücher ge-
ben antwort. Nemlich/ beschönt ihr euch damit/ Es sei von eyn-
nem solchen Synodo nichts guts zuhoffen / es sei dann zuuor
ewere Lehr vnd meynung von den Euangelischen Fürsten vnd
Ständen

Ständen Teutsches Landes angenommen vnd vor gut erkant. Was ist es aber vor ein Lehr? Nemlich die/ Das jederman glauben soll / Der Leib Christi sei in holz/ Stein/ vnd solchen orten/ die man ohn schew nicht wol nennen darff / Das viele ketzereien widerumb new gemacht / durch welche die Kirchen Christi geargert vnd verstorzt werden / wie denn diß allbereyt gnugsam von etlichen teutschen Theologis erwisen ist.

Damit ich aber dises geschweige / so möchte ich gerne von euch hören: Mit was recht/ Exempel/ oder gewalt ihr euch so vil anmassen darfft / das ihr von denen / Gottes ehr vnd der gansen Christlichen Kirchen heyl vnnnd wolfahrt belangenden sachen/ alleyn so künlich sprechen vnd schliessen dörfset: Beweiset mir/ so ihr anders könt/ das euch zustehe/ Christliche Könige vnd Fürsten vngehörter sachen / die sich zur rechenschafft ihres glaubens allezeit gutwilliglich erbotten vnd umb gehöre gebeten haben/ zuuerdammen: Welches nichts anders gethan ist/ denn den Bralten löblichen gebrauch vnd gewonheit der Christlichen Kirchen verwerffen/ darzu alle Göttliche vnd menschliche rechte verkehren vnd umbstossen.

In summa / dise selbstgewachsene Kirchenrichter / als sie sich leichtlich dessen beredt/ es werd ihne ihr anschlag nach allem vortheyl glücklich hinauf gehen/ haben sie ihr Concordien Buch vilen Protestierenden Fürsten vnd Ständen vberschickt / vnd umb beliebung desselbigen angehalten/ damit aber nicht zu friden gewesen. Sonder derselbigen Fürsten vorneme rätthe vnd Kirchendiener beide durch brieffe / vnd ihrer Secten dazu dienliche menner/ mit grossem bitten vnd flehen ersuchet/ sie wöllen doch ihre Herzen dahin vermögen/ damit sie die jenigen/ so ihren der Theologen gottlosen decreten vnd meynungē zu wider waren/ mit ernst straffen/ vnd ihres Lands verjagen wolten.

Diweil nun diß offenbar am tag / wer wolt sich bereden lassen / das sie nach mitteln zum Frieden / wie ihnen von den

Fürsten vertrauwt worden / getrachtet haben / als die sich selbst verathen / daß all ihre arbeit vnd fleiß darauff gerichtet ist / wie sie alle hoffnung eyner allgemeynen Concordien abschneiden / befreundete Fürsten an eyinander hehen / die wolberfridige Ritzchen vnder dem schein des Christlichen cyffers betrüben / vnd als so gleich eyne Spanische Inquisition in Teutschland eynführen mögen.

Hie bitt ich ganz demüthig vnd freundlich / der Christliche Etsfer / wölle doch die sache bedencken / ob ich ihnen nicht die warheit gesagt habe / Ob auch nit billich alle fromme fridliebende herrn wider sie auffß höchst bewegt werden sollen / bis so lang sie rechtschaffen gegeben / warumb sie so viler hochuerstendigen Fürsten / vnd gelehrter Theologen des Teutschenlandes / bequeme / billiche vnd gebreuchliche vorgeschlagene mittel zum frieden mit ihren Practicken allezeit verhindert haben vnd noch hindern ? Warumb sie so vile vnschuldige / Könige vnd Fürsten vnser hörter sachen verdammen ? die auch auff ihr hefftiges begeren zur billichen verhör nicht kommen lassen wöllen ? Denn es hat die Königliche W. in Engelland sich willig erbottē / ihre gnugsam tüchtige Gesandten auff einen solchen Synodum abzufertigen demselbigen beizuwohnen. So vil ist auch zu hoffen von Königlicher W. von Nauarra / als von wegen dero eygnen Erblanden / darinn sie vollkommenen gewalt haben / demnach auch deren so zur Krone Frankreich gehörig / so fern es Königlicher W. auß Frankreich nit zuwider ist. Item / es werden sich vil mehr andere Fürsten vnd Stände zu diesem Christlichen werck / willig vnd bereyt finden lassen.

Das ander mittel ist / da schon auß Gottes gerechtem vrscheyn vmb vnserer sündē willen der vil vnd offegewünschte hoch notwendige Synodus in Teutschland durch diser kirchenrichter arglistige practicken verhindert / vñ nit erhalten werden konnte / So ist doch billich / daß sie etliche zu ihrer königlichen W. in Engel

Engelland abfertigen / welche dero die grausame kesserei vñnd
 schreckliche irthumb / die sie den Kirchen ihres Königreichs
 zumessen / erklerten / vñnd mit ihrer R. W. eynrer sehr miltreichen
 höchgelehrten Fürstinen / sich deshalben vnderredeten / Würde
 sie auch ihre R. W. in solcher wichtigen sachen gnedigst vñnd güt-
 tig anhören / vñnd ihnen der streittigen puncten halben nach nöts-
 turfft auffo aller freundlichste zur rede stehē / Auf welcher handz
 lüng sich als dann / in was kesserei vñnd irthumb dero Königreich
 vñnd kirchen stecketen / oder auch ob das gegenspil war sei / nem-
 lich / das sie wol vñnd Christlich halten / von allen articeln vnser
 rer Christlichen Religion / augenscheinlich erfinden.

Im fall die Engelländische kirchen eynrer offentlichen kes-
 serei vberwisen werden können / soll als dann disen kirchenrich-
 tten gang frei stehen / sie nach all ihren lüsten vñnd gefallen zuuer-
 dammen / Bestind sich aber die sache vil anders / vñnd das sie die
 reyne göttliche warheyt haben vñnd bekennen / Solt es nit billich
 sein vñnd ihnen den Theologis zusorderst wol gebären (so feru
 eyniges fūcklein der Gottesforcht vñnd Christlichen liebe in ih-
 men steckt) zuerkennen vñnd zubekennen / das sie auß vnwissenheyt
 gesündigt / vñnd der sachen vil zu vil gethan haben. Ja sie solten
 alsdann Gott loben vñnd danken / das die kirchen / welche sie für
 kesserisch gehalten / in reynrer Christlicher warheyt / vñnd lehr des
 H. Euangelij befunden worden.

Hierbeneben dieweil etliche Fürsten vñnd Stände in
 Teutschland durch die vorurtheil vñnd schrifftten diser kirchens-
 richtereingendommen vñnd bewegt / andere Fürsten vñnd kirchen
 ganz verdecktig halten / steht es / vermöge außtrucklichen befehl
 Gottes / der Christliche liebe / damit wir eynander verpflicht vñnd
 verbunden sein / in alle wege zu / das sie hinwiderum obgenanter
 kirchen vnschuld vñnd auffrichtigheyt mit ihrem offentliche zeug-
 niß an tag thun / auff das / wen den andern kirchen / so von ihne
 den Theologis vbel vnderwiesen vñnd berichte seind / die vnschuld /
 vñnd

vnd reynigkheit derselbigen lehr vnd glaubens kundbar gemacht ist/sie die nicht mehr/wie zuuor anfeinden/sondern/allen verdacht/sambt dessen vrsachen hindan gesetzt/eyn wahre Christliche vnd brüderliche vereynigung zwischen ihnen gemacht werde/sie auch eynander wahre lieb vnd freundschaft als mitglieder im Herrn Christo erzeigen vnd beweisen.

Ich fürcht aber es werden dise Theologen/so da meynen/es sei ihnen als newen Bábste alles nach ihrem gefallen zuhandlen erlaubt vnnnd vor gut zuhaben/dise meine trewhertzige warzung ihnen wenig zuherken gehn lassen. Wo sie aber nit abstehten den gemeynen nutzen zubeleydigen/die Predicanten in Teutschland/ihrer faction Mituerwandte/anzureyssen/vnd außländische Könige vnnnd Fürsten/desgleichen die vnschuldigen Euangelische kirchen zuentehren vñ zuuerdammen/hoff ich zu Gott/es werden sie die Könige vnd Fürsten/so von ihñ vnuerschamter felschlicher weise dargegeben werden/der öffentlichen lügen vberweisen/vnd jederman zuerkennen geben/das sie nichts besser als verwegene vnuerschamte lestermeuler/verleumbder vnd verstorfer seien des gemeynen frids vnd eynigkheit. Auch die sacht bei ihrer Oberkheit dahin bringen/das sie als recht schuldige vberzeugte/vergreiffer/beyde an der Göttlichen vnnnd weltlichen Maiestat/die billiche straff nemen/vnnnd kirkumb nicht leiden/das dise verderbliche weit vmb sich fressende Pestilensen in den gemeynen länger geduldet werden.

Das auch etliche darfür halten/die Ubiquitisten haben mit dem Römischen Pappst vnnnd desselbigen geschmeiß ihren heymlichen verstand gemacht/denselbigen in seine alte widerumb einzusetzen/vnnnd die Euangelischen kirchen mit der wurzel aufzureuten/hoffe ich/es werd dem gemeynē nutzen nit vbel gedient sein/weñ ich bericht thue wie die sacht geschaffen/das mit die Euangelischen Fürstē allem vnraht zeitlich begegñ/vñ die gefahr/so ihnen darauß entspringen wird/eilend vorzukömen.

Zuuor

Zunor hab ich gemeldet / das etliche Teutsche Fürsten auß fürtragender sorg vnd lieb zum gemeynen nutzen / anderer auch Euangelischen Fürsten rath vnnnd bedencken vber gegenwertige spaltungen disen Theologen (Nemlich den hefftigen vnd gleich als zusammen geschwornen vertedigern / oder wie gemeyne redt ist / dichten vnd schmiden der Ubiquitet) vorgehalten vnd mitgetheylt / sich bei denselben der kirchen gütliche vergleichung vñ eynigkheit belangenden guten raths zuerholen / So seind aber die Ubiquitisten vil anders gesinnet / haben gemeynt / Es sei nun die rechte zeit / das sie vmb den Römischen Pappst / vñ dessen anhangen / auff welcher hilff vnd gunst sie ihre handlungen richten vnd volnführen / eynen guten danck verdienē möchten / gesellen ihnen derhalben etliche andere Doctores mit zu / so zwar gelehrt gnugsam / jedoch leicht zubeugen / vñ zu ihrem handel vast tüglich / der weltlichen handel aber nit so kundig noch erfahren als in vorstehender sachen von nöten ist. Daher kombt der anfang ihres Concordien Buchs / Sie wusten auch wol das gar schwere vnnnd hefftige zwitrachten zwischen etlicher Stätt in Teutschland Predicanten vnd den Caluinisten noch vnuertragen waren / mit denen als die nit vbel darzu geneygt / machen sie eyn gemeyn Decret / Das die Caluinischen all kesser / vnd in keynem ort oder Reich zudulden seien.

Nach dem sie also etliche Stätt durch derselben Predicanten ihnen günstig vnnnd beifellig gemacht / haben sie gedacht / es werden auch die Euangelische Fürsten in Teutschland ihz Concordien buch also mit gnedigstem vnd gnedigem wolgefallen annehmen vnnnd befrefftigen. Aber durch besondere gnade Gottes haben etliche teutsche Fürsten / so der Ubiquitisten Theologen anschlege vnd practicken / warum es ihnen zuthun gewesen / wol gemerckt / sich derhalben ihnen widersetzet.

Dann so die Euangelische Teutsche Fürsten vnd Stände / sich mit gemeynem Consens entschlossen vnnnd decretirt hetz

tē / das man alle Caluinsten auß dero Landen verjagen solt / wie denn die Ubiquitisten fleissige anregung vnd vorschub darzu geben / so ist keyn zweiuēl / es würden als dann die Papisten in gemeynen reichs versamlungen gefragt haben / warumb sie die Caluinischen auß ihren landen vertriben / vnd darinn keyns wegs zuleiden gedechten: Burden auch meines erachtens keyne andere denn dise antwort gegeben haben / das sie dises mit zeitigē wolgehabtem rath gethan / der ganzen welt dardurch fundbar zumachen / das ihre der Fürsten Religion / zu deren sie sich bekennen / sei die rechte reyne Christliche Lehr / die keynen mangel noch fehl habe.

Hie wöll der Christliche Leser / dem gemeyner Fried vnd eynigkheit lieb vñnd angeneh ist / fleissig nachdenckens haben / wie mit grosser freud vñnd frolocken / dises der Euangelischen Fürsten Decret von allen Papisten angenommen / vñnd höchlich gelobt wer worden. Darauff den dises eruolgen muste / das die Caluinische mit gemeynem rath vñnd bewilligung aller Stenden des H. Römischen Reichs gang vñnd gar verjagt würden / vñnd darinn nimmermehr keynen plas haben könten.

Solte aber (das der Allmächtige gnedige Gott verhüten wölle) eyn solcher allgemeyner beschluß der Reichsstenden ergehen / vñnd ins werck gericht werden / so were den kirchen in Engelland / Franckreich vñnd andern die eynere gleichförmigen Religion bekant seind / domit der frid schon abgekündet vñnd Lerm geblasen.

Über das / do jrgend eynere der Euangelischen Stende des heyligen Reichs disem Concordien buch nicht vñnderschriften hette / der müst nach gewöhnlichem brauch Teutschen Lands des in die Acht erklere / vñnd ihm wasser vñnd wend wie man sagt / genzlich versagt sein.

Alle verständige vñnd der Weltlichen sachen erfarnere männer / wöllten disen handel erwegen / ob das nicht die rechte fruchte vñnd

te vnd folgungen seien/der Ubiquitistischen handlungen vnnnd practicken/Alle sage ich die Gott mit verstand begabt hat/wollen dises zu gemüt führen/ob man auch listigere vnd dienlichere mittel/die kirchen in Teutschland/vñ denn auch andere/so mit ihnen den Theologen der Religion halben streitig/mit vnuerzönlichem hasz vnnnd neid gegen eynander zuuerbittern hett erdencken mögen? Dann so von allen Ständen des Römischen Reichs/beyde den Euangelischen vnd Catholischen/die kirchen in Engelland/Franckreich/Niderland/vnd vil andere mehr/so der Religion halben eynträchtig sein/aufgeschlossen/wie kaiserlich verdambt/erger als die Scythen vnd Türcken gehalten/vnnnd des gansen Reichs vertriben sein solten/wo wurde den einzigen mittel/dadurch die kirchen Christi widerum möchten versümet/vnd zur Christlichen eynigkeit bracht werden/noch vbrig sein? Vnd das zubeweynen ist/könte man auch durch dise verdammungen vnd verkererung eynen nehern weg finden/alle Euangelische kirchen in gemeyn bis in grund zuuerderben vnd außzureuten?

Es möchte mir aber jemand hie begegnen/die Protestirende Könige/Fürsten/vnd Stende seien des hohen verstands das sie diser Theologen anschläge vnd falsche Practicken zu ihrem vorgehabten end nit können lassen würden: Ja lieber Christ/wenn der schaden so weit vberhand genommen vnd so tieff eingewurhelt hett/mit welcher arznei wolt man denselbigen heylen vnd wenden können? Dann wie weit es gefehlt habe/das diese Theologen den gewünschten zweck ihrer anschläge erreycht hetten/erweiset der ausgang zum theyl genugsam/wie ich dasselbig noch scheinbarlicher vnd klärlicher an tag thun will.

Dann ich mit warheyt sagen kan/das Königl. W. in Franckreich/König Heynrich der Dritte/als er in Polen gewesen/versprochen hat/den in Franckreich auffgerichteten friden trewlich vnd auffrichtig zuhalten/vnnnd zum innertlichen krieg

auch die geringste vrsach nit geben noch befürdern helfen.

So ist auch dis war/Nach dem ihre K. W. widerumb heranz in Italam kommen ist / der Bábstische anhang keyn starker durchringender Argument haben bei bringen mögen / ihre K. W. damit zubewegen / das sie gegen den Euangelischen ihres Königreichs den Krieg widerumb erneuerten / als eben dise / das nemlich die Protestierende in Teutschland / dieselbigen als kezerische verdambt / vnnnd sich öffentlich erklere / das sie vil weniger als die Scythen vnd Türcken zudulden seien. Do nun ihre K. W. als die den Nammen habe des Aller Christlichsten Königs / dieselbigen hegen vnnnd beschützen wolte / würde sie die gangen Welt wider sich erregen vnd zu feinden machen.

Also ist ihre K. W. durch dise hoch bewegende trawungen vberwunden worden / folgendts ihre eygene vnderthanen widerumb auffs new mit frieg angetast / vnd dermassen betranget / das sie weder zu Wasser noch zu Land enynige hilff noch beistand / sich vor vnbilllichem gewalt zubeschützen / erlangen mögen / alle gute hoffnung schon in die sehanz geschlagen / vnnnd verzagt waren / bis sich der gütige Gott seiner elenden betrübten kirchen erbarmet / dem König das hers getroffen vnd gelencket hat / das er ihnen eyne erquickung vnd leidlichen Friden mit getheylt / denselben auch bishero / mit höchster vnwillen vñ verdruß des Römischen Bábstes sambt seines anhangs / noch vnuerbrüchlich hat gehalten. Das ist so kund vñ offenbar / das andere zeugnuß ohn not sein.

So weyß auch jederman / das die K. W. auß Engelland den Euangelischen in Franckreich öffentliche hilff bewiesen / vñ sie mit gelt vnnnd Proniand gesterekt / Dieweil aber eyn weiser man nit alleyn darauff sihet / was geschehen ist / sondern sihet vil mehr auff das künfftige / damit er ihm selbst durch seine vorsichtigent allzeit vor schaden sein vnnnd das böse abwenden möge / Haben die Euangelische Könige vnnnd Fürsten leichtlich zu erachten /

achten / im fall die Franckösischen kirchen gar gedempffe / vnnnd verstorret worden / die Catholischen aber ihre macht wider die R. B. in Engelland gewendet hetten / wie schwerlich sie ihnen hett widerstand thun mögen / vnd von wem sie eyrige hilff hett mögen zugewarten? Seitmal sie von den Teutschen Protestierenden schon vor keiserlich außgeschrien vnd verdambt were?

Ihr Protestierende Könige vnd Fürsten / Ihr Euangelische Fürsten in Teutschland / laßt scheinen ewere alte angeborne dapfferkeyt / gerechtigkeit / auffrichtigkeit vnd billigkeit / des gleichen andere vil tugende / damit ihr bißhero der gansen weitesten Welt bekant seid / ihr sehet vor augen / wie Gott seine bekümmerte angefochtene kirchen heutiges tages in augenscheinlicher grosser gefahr wider die feinde des H. Euangelij so wunderbarlich vnd gnedig erhellt / vnd beschützet / vñ ewere vbiq̄uitistischen Theologen vnderstehn sich dieselbige zubeleydigen / Ja wol in grund zunerderben.

Königl. B. in Engelland beneben andern Königen vnnnd Fürsten werden von den Vbiq̄uitistischen Theologen öffentlich verdambt / die begeret vnd bittet ganz freundlich vnd dienstlich das sie möge zur billichen verantwortung kommen vnnnd gehöre werden. Eilieber wo denn? In Teutschland. Von wem? Von denen Fürsten / die sich des H. Euangelij / vnd der reynen waren lehr so hoch rühmen / vnnnd das kan man leyder bei ihnen nicht erhalten. Wen doch die Scythen vnd Türcken von euch verdambt weren vnd vmb gutwillige audiens bäten / mit was billigkeit oder gefas / wolt ihr ihnen die abschlagen? Vnnnd wir wollen Gottes vnd seines worts / des H. Euangelij / vnd Christlicher liebe halben gerühmet sein.

Ihr frommen Theologi / die ihr nach der billigkeit vrtheylen sollet / Was haben die herrliche männer / Lutherus / Bucerus / Melanthon vnnnd andere treffliche gelehrte Theologen in Teutschland je mit höherem ernst vnd grösserem seuffhen von

Gott gebetten / was ist ihnen mehr angelegen gewesen / dann das sie mit ihren Widersachern von den streittigen Artickeln der Religion möchten öffentlich in der gütte handeln: Hat nit auch Keyser Carl vnd andere Keyser hochlöblichster gedechtnuß ihne solches allergnedigst vergunde vnd zugelassen: Vnd ihr H. Väter stehet so fleissig im wege / daß die Königliche W. in Engelland / beiden Euangelischen teutschen Fürsten / vnd zwar miten in Teutschland nit mage gutwillige Audiens haben.

Wenn ihr die warheyte sagen vnd recht bekennen wöllet / müßt ihr also sagen: Ei lieber / Wir haben die Königin in Engelland / desgleichen andere Euangelische Fürsten vnd Stände / öffentlich ohne alle scham verunglimpffet vnd mit höchster vnbilligkheit zum ärgsten angetast / ja als die ärgsten Keyser außgeschrien vnd verdampft. Darumb möchten sie villeicht zu hart bewegt / vnseren Teutschen Fürsten mit gleicher maß vergelten / vnd sich in rettung ihrer ehr / desgleichen in verantwortung der Euangelischen vnd ihne von Gott befohlene Kirchen vnschuld eben gleichmessiger freihent zureden gebrauchen / deren wir vns in verkerung derselben gebraucht haben / Dadurch als denn die gemüter der Königen vnd Fürsten / je mehr vnd mehr in vnwillen vnd feindschafft gerathen / sie auch / beiderseits / alle hoffnung des Fridens vñ der Concordia hindan gesetzt / ihren feinden desto leichter in die hend kommen / mit ihnen der Garauß gespilt / vnd das leyndige Vapsthum widerumb ganz eingeführt werden möchte. Das seind ihr heiligen Patres ewerre angestellte Concordien fruchte / das ist ewer fleissigen lang getribenen anschlegen außgang vnd end.

O Herz Gott / Wie gerecht vnd wunderbarlich seind deine gericht / deren man doch in so grosser not vnd gefahr sehr gering achtet. O der grossen frechheit / gewalt vnd vbermässigen stols diser Theologen. O ihr Euangelische Könige vnd Fürste / Ich bitt euch abermal vmb Gottes ehr vnd Namens willen / last euch

euch die grosse gefahr / vnd das schreckliche vnglück / so vns auff dem halße ligt zu herzen gehen / vñ seid mit allem ernst dahin be-
 dacht / wie ein rechtschaffene Concordia vnd Eynigkeit durch-
 auß in den Euangelischen Kirchen gemacht werde. Welches
 fürwar so schwer nit ist / wenn ihr den streitigen sachen rechtmes-
 sige vnd billiche erkantnuß vor die hand nemet / vnd die seligkete
 belangende Artickel von den vnnotwendigen recht vnterschey-
 det. Die Theologen aber besser dann bishero geschehen im zaum
 haltet. Dann hieran ist des gemeynen Nußen vnd aller Euang-
 gelischen Kirchen heyl vnd wolffahrt gelegen.

Gott der Vatter aller barmhertzigkete / wölle die Euanges-
 lischen Könige vnd Fürsten mit seinem H. Geyst gnediglich ers-
 leuchten / ihre herzen vnd gedanken also regieren / damit durch
 ihre hilf vnd vorsehung aller zank vnd hader / mit sambt deren
 vsachen gestilt / vñnd gentslich auffgehoben / vñnd ein guter ges-
 wisser vnd bestendiger Fried in der kirchen Gottes mit als
 gemeyner stift vnd Consens angerichtet werde.

Ihm sei lob vnd preis in allewigkete / Durch
 Jesum Christum vnsern Hey-
 land / Amen.

[Faint, mostly illegible text, likely bleed-through from the reverse side of the page.]

1819735

OCN 69209046

[Faint, mirrored text, likely bleed-through from the reverse side of the page]